

\* ڈاکٹر شمینہ بتوں

## پنجابی قصہ گوئی اُتے سنسکرت، عربی تے فارسی دے اثرات

**Abstract:**

Punjabi language is one of the ancient and prominent language of the Indo Pak. Reason being the words of Sanskrit, Arabic, Persian and Greek languages are included in Punjabi language. This research article presents that folk tales of Punjabi reflects the effect of Rigvaid, Maha bharat and Ramain in Sanskrit. The Arabic language being the language of Quran also reflects the Punjabi folk tales. The Persian language come in Indo Pak with rulers of Gazni, Tajikstan and Iran who invaded the Indo Pak, therefore the effect of Persian language is certain. The Punjabi poets not only used the Arabic, Persian and Sanskrat words in folk tales but also, the tale (Qissa) of Yusuf Zuleikha. This is because the folk tale in Punjabi like Heer Ranjha, Sasi Punun, Sohni Mahiwal and Mirza Sahiban are obvious and reflect of this languages.

**Keywords:** Punjabi, folk, Tales, Heer Waris Shah, Mirza Sahiban, Sohni, Mahiwal, Hafiz Barkhurdar, Arabic, Sansicrat, Persian

.....

پنجابی بنیادی طور تے اوہناں مقامی بولیاں توں نکلی اے جیہڑیاں لوک وسیب دے بوہت نیڑے سن۔ پنجابی زبان دی ایہ وڈیائی اے پੜی اوہنے ہر زبان دے ادب دیاں خوبیاں نوں اپنے کلاوے وچ لیا۔ پنجابی علامتے شاعرائیں دی وڈی گنتی سنسکرت، فارسی تے عربی ادب نوں اپنا کے ای پنگری تے انہاں زباناں دے ادب نوں واچیا، گوچیا تے اوہدا اثر قبولیا۔ ایہدا اک کارن ایہ سی پੜی انہاں زباناں دے ادب وچ نویشاں تے اوہ مکمل زباناں سن۔ ایسی لئی پنجابی زبان اتے انہاں دا اثر پینا

### قدرتی گل سی۔

ایہ حقی گل اے پئی پنجابی وچ ہر کھیت دارس موجوداے، مثلاً بابا فرید مگروں شاعری تے دینی ادب دے کھوں ساڑی نظر وچ وی غیر معمولی وادھا ہویا۔ پنجابی زبان دی ایہ دُؤیائی اے پئی ایہ ہر زبان دے لفظی بھنڈارنوں جذب کرن دی قابلیت رکھدی اے۔ دنیا دیاں ہور ناں زباناں وچ اجیہے اتفاق بہوں گھٹ ملدے نیں۔ پنجاب دا حدود ار بع موكلا تے کھلا روائی ہوون پاروں لیہدا شبد بھنڈاروی موكلا اے۔ ایہدا وسیب وی چار چوفیرے کھلر یا ہویا اے تے قدرت دی ایہ فیاضی اے۔ ایہدا چار موسیم نیں گرمی، ساون، سیال تے پت چھٹر، لوکائی نے ایہناں موسمان موجب اپنے آپ نوں ڈھالیا تے موسمان توں بچن لئی لباس، لکن چھپن دی تھاں وی ویلے سراپنی عقل نال سرجیا، سنواریا۔ جیوں جیوں لوڑاں تے شیواں ودھدیاں گھیاں اوہ اپنے ناں نال لیکے آیاں۔ انچ پنجابی دا شبد بھنڈار ودھدا گیا تے ایہدے وچ غیر معمولی وادھا ہویا۔ ایہ دروازہ اے جیہڑا ہر بند کو اڑنوں کھوں دیندا اے۔ پنجاب دی دھرتی اتے باہروں آیاں قوماں دیاں بولیاں دا پر بھاؤ و دھیرا اے۔ جیہناں وچ سنکریت، عربی تے فارسی شامل نیں۔ کجھ دو انان دا وچار اے پئی رگ وید پنجاب دی دھرتی اتے لکھی گئی ایئی ایہدے وچ لوک ریت تے رہت دا اثر اے۔ ایئی لئی سنکریت زبان دا پنجابی اتے اثر ہونا قدرتی امر اے کیوں جے زباناں دے حوالے نال سنکریت دا پنجابی نال سمجھ توں پہلاں میل میلا پ ہویا۔ سریندر سنگھ کوہلی دے آکھن موجب:

”پنجابی زبان ویدی سنکریت دی ترقی کیتی ہوئی شکل ہے۔ دیسی شبد اولی، فارسی، عربی، انگریزی تے لہندے دیاں دو جیاں زباناں وچوں لئے ہوئے اکھر اک پاسے رکھ دیوے تاں رہنندی شبد اولی، جیہڑی زبان دا وڈا حصہ ہے، سنکریت دے تھماں تے مذکھوں اتے مشتمل ہے۔ انچ پنجابی زبان دی مذکھی بنتر سنکریت ہے۔“<sup>(1)</sup>  
بھانویں سنکریت زبان وچ جیہڑے قصے لکھے گئے اوہ اخلاقی تے لوکاں دی حیاتی دیاں عام گلاں نوں مکھ رکھ کے لکھے گئے۔

حافظ عبد الحمید سرشار لکھدے نیں:

”سنکریت دیاں نشری کھایاں وچ جادو ٹونے، عقولوں پرے کماں تے نالے عشق تے زور دتا گیا اے۔ ایہناں داستاناں دے دیو تے انسانی کمزوریاں رکھدے نیں ایہ دعاوں دیندے تے اوکھے ویلے کم وی آوندے نیں۔“<sup>(2)</sup>  
پنجابی شاعر اس نے قصہ لکھن لئی سنکریت قصہ گوئی نوں مکھ رکھیا۔ ایہی کارن اے پئی اخلاقی تے سماجی موضوعات پنجابی قصہ کاری وچ عام وکھاں دیندے نیں۔ سنکریت زبان وچ جیہڑے پر کم قصے لکھے

گئے اور ہنال وچ مہا بھارت تے راماں یو ہتے مشہور نئیں۔  
عبد الغفور قیشی لکھدے نیں:

”سنکرت ادب اصل وچ پنجاب دا ای ادب اے۔ پنجابی لوکاں دے دکھ سکھ، ام ان  
تے جنگ، رہتل دا نقشہ اے۔ راماں کتھا ساگر وچ پریم کہانی نوں بیان کرن دا  
ڈھنگ دیا ہویا اے۔ لوک کہانی دی چون کر کے ایس نوں قدرت دیاں رنگینیاں وچ  
سمو کے بیان کرن بارے اک روایت اے۔ سنکرت وچ سنجیدگی، شدگار وچ شونخی  
تے بیان وچ مٹھاں دے گن دے گئے نیں۔“<sup>(3)</sup>

پنجابی قصیاں وچ سنکرت زبان دے انہاں مشہور قصیاں دے مددھلے انش وکھالی دیندے  
نیں۔ دمودر داس دمودر دے قصے وچ سنکرت زبان دے لفظ اخ ورتے گئے نیں:

- ۔ ہو یار وہ صحیح سچ نورا، جاں کبیں ایہ سنا یا<sup>(4)</sup>
- ۔ بالک بدھ سدا یوس مینوں، پھل نہ کدی و گایا<sup>(5)</sup>
- ۔ آئے کٹک پرائے دھینے! ایہناں جھلیسیں نایں<sup>(6)</sup>
- ۔ کلے، کالے، نقرے، نیلے، ابلق، باز پیر ائے<sup>(7)</sup>
- ۔ قصہ ایہ سمپورن ہو یا، ہن را خجھے تائیں جما کیں<sup>(8)</sup>
- ۔ دے الائپ بلا یا منگو، کیہیاں سراں و گایاں
- ۔ شینہہ برندے، اثرگر، مومنی، سھے زیارت آیاں<sup>(9)</sup>

انخ ای احمد گردے قصے وچ سنکرت زبان دے ورتے گئے لفظ ایس طرح بیان کیتے گئے نیں:

- ۔ سنمار وچ احمد! خبر ہوئی کنیں را خجھے دے درشنوں پایا سو<sup>(10)</sup>
- ۔ جائے ادب دے نال ادھین ہو وے کریں قدر دی گل سکھا یو نیں<sup>(11)</sup>
- ۔ وچھی سندر بساط شترن خبازی کے کھیل تاں ہرم ایس لئے کوئی<sup>(12)</sup>

پنجابی زبان اتے سنکرت توں اڑ عربی زبان دا ڈھیر اثر وکھالی دیندا اے۔ پروفیسر ڈاکٹر سید  
اخڑ جعفری لکھدے نیں:

”عربی زبان دی مدرسیں مذہب دے حوالے نال ہوئی۔ ایس ائی قرآن

مجید، احادیث، تفاسیر تے فقہ ایہناں مدرسیاں وچ پڑھایا گیا۔“<sup>(13)</sup>

عربی زبان دے ورتارے دا اک کارن ایہ اے پی قرآن دی زبان عربی اے۔ ایس توں وکھ مسلمان  
حکمراناں دے نال ان گنت حافظ، مولوی تے علماء دھاڑ وی آئے جہناں نے مذہبی مسائل وی عربی  
زبان توں لئے سن۔ پنجاب وچ عبادت تے شریعت دیاں بوہیاں کتاباں مقامی ادب وچ لکھیاں گئیاں

جویں بارہ انواع تے ہو کئی مذہبی کتابیں جیہناءں اتے عربی زبان ڈھیر اثر پایا۔ طب دیاں ڈھلیاں کتابیں عربی فارسی وچ سن جیہڑی روزمرہ دی لوڑی۔ ایسیں وجہ توں عربی دا اثر دی پنجابی وچ شامل ہو گیا۔ سید سبط احسان ضیغم لکھدے نیں:

”بنیادی طور پر پنجابی ایک دراوڑی بچہ ہے جس نے فارسی زبان کا دودھ پیا، عربی زبان کی گود میں کھیلا اور اسی سے تربیت حاصل کی۔ پنجاب میں آکر بننے والے دوسرے نسلی گروہوں کے صوتی اثرات بھی قول کیے۔ مگر عربی زبان و ادب کے اس پر غیر معمولی احسانات اور اثرات ہیں کیونکہ دینی ذخیرہ الفاظ اور اسلامی فکر اور تہذیبی اثرات قول کرنے میں اس دھرتی کے خصائص نے غیر معمولی فیاضی دکھائی۔ جس کے نتیجہ میں بھارت میں شامل علاقوں میں آباد لوگوں کے مقابلہ میں یہاں اسلام کی وسیع پیانہ کے مطابق آبیاری ہوئی۔“<sup>(14)</sup>

پنجابی قصہ شاعری وچ عربی زبان دے چوکھے لفظ نظر آؤندے نیں۔ کچھ قصیاں وچ شاعر اعلیٰ نے قرآنی آیات نوں اپنے شعر اعلیٰ وچ سونہنے ڈھنگ نال بیان کیتا۔ احمد گبر اپنے قصے وچ لکھدے نیں:

ـ (قَالُوا لَكُمْ إِنَّا نَحْنُ نَحْنُ نَعْلَمُ مَا بِكُمْ ۚ) دادن اسماں نیا ساروں نبیؐ نے پڑھیا نکاح میاں<sup>(15)</sup>

حافظ برخوردار، مرزا صاحب اعلیٰ دے قصے وچ بیان کردے نیں:

ـ وَالشَّمْسُ وَالنَّحْلُ هُوَيَا نُورٌ طَهُورٌ

ـ قال ولیٰ کر جانناں کیتا رب مشہور<sup>(16)</sup>

کچھ پنجابی قصے اصولوں عربی دے نیں جیہناءں وچ لیلی مجنوں دا قصہ شامل اے جیہدا پنجابی شاعر اعلیٰ نے اپنی زبان وچ ترجمہ کیتا۔ یوسف زیخنا دا قصہ دی اصولوں قرآن مجید دا قصہ اے جیہنوں پنجابی دے کئی شاعر اعلیٰ نے اپنی قصہ شاعری وچ بیان کیتا۔ حافظ برخوردار دا ناں ایس گلوں اچاۓ کیوں بے انهاء نے سمجھ توں پہلاں ایہ قصہ لکھیا۔ اوہناں قصے وچ دی تھاں تھاں تے عربی لفظ ورتے نیں۔ حافظ برخوردار، یوسف زیخنا دے قصے وچ بیان کردے نیں:

اللَّهُ وَاحِدٌ خَالِقٌ رَازِقٌ رَوْزِيٌ دِيْنِهِرَا

ـ اوہ دامَّ ہوئی اوہ آہا دنیا جھوٹھ پسara<sup>(17)</sup>

انجے ای حافظ برخوردار، مرزا صاحب اعلیٰ دے قصے وچ لکھدے نیں:

ـ او تھے بولن طو طے بٹخاں چپن رَحْمَنَ رَحْمَنَ

ـ میتھوں بھل گنیاں سبھ چالیں مسجد رہیا قرآن<sup>(18)</sup>

ـ پیلو مرزا صاحب اعلیٰ دے قصے وچ انج لکھدے نیں:

۔ کر بِسْمِ اللّٰہِ ماریا، بِحُنْدَوَا لَنگ بھنپھر<sup>(19)</sup>

دمودر داس دمودر بھانویں اک ہندو شاعری پر اوہنے اپنے قصے ہیر رائجھے وچ عربی زبان دے شبد کئی تھانوال اتے ورتے نیں۔ جیویں اوہ لکھدا اے:

۔ دور فقر خورشید و سیتے، کہ ہر جا کوسایا<sup>(20)</sup>

۔ توں صاحب، میں بردی تیڈی، میں عاجزناہ از ماہیں<sup>(21)</sup>

انج اسی آکھ سکنے آس پئی پنجابی قصہ شاعری وچ شاعر اس نے عربی زبان توں وی لا بھ چکیا تے انہوں امیر بنایا۔ ایہ عربی دا شبد بھنڈا رقصیاں توں وکھ ہوروی پنجابی صفائ وچ ویکھیا جاسکدا اے۔ ایس توں اڑ پنجابی شاعر اس نے اپنی شاعری وچ اجنبی تلمیباں، تشبیہاں تے استعارے ورتے جیہڑے عربی زبان تے خاص طور تے قرآن مجید نال تعلق رکھدے نیں۔

یوسف زیخا عربی زبان دا قصہ اے جیہدی تلمیحات پنجابی دے کئی شاعر اس نے اپنیاں قصیاں وچ بیان کیتیاں نیں۔ جیویں احمد گجر لکھدے نیں:

مہتر یو بے نوں آئے بنی حکمت تدوں پکڑ (کھو ہے) پائیا بھرا نئیں

فضل کار سوداگر ان کلڑھ لیتا اوہنال رکھیا ویچنے دے تا نئیں

بازار دے (وچ جا) دے لائیو نیں قصہ کہیں تا سبھنوں میں کہہ سنا نئیں

سوت اثیاں گھن کے گئی بدھی خریداراں دے داخلے ہون تائیں<sup>(22)</sup>

فارسی زبان دا اثر پنجابی شاعری اتے دو. جی زباناں نالوں چوکھا اے۔ ایہدا کارن ایہ سی پئی فارسی امتحنوں دے حکمراناں دی زبان سی جیہڑے اپیان، تا جکستان تے غزنی توں آئے۔ اوہنال دی زبان عام بول چال دے بوجت نیڑے سی۔ فارسی اپنی تھاں اک مکمل زبان اے جیہدا اثر پنجابی نے قبولی۔ اک پڑھی لکھی جتنا (عوام) تے حکومتی میل جوں دی جوہ کر کے فارسی زبان نوں قبول کیتا تے ایہ مغل عہد دے اخیر تکر رہیا۔ ایہی نہیں سکھ عہد وچ دی فارسی زبان دی ہوند توں انکار نہیں کیتا جاسکدا۔ لاہور، سیالکوٹ، سرہند، ایمن آباد، قصور تے ملتان فارسی علم تے ادب دے مرکز بن گئے۔ ہندوستان دے کئی اداریاں خصوصی طور تے عدالتی نظام تے انتظامیہ وچ فارسی زبان لاؤ گوئی۔ انہاں اداریاں وچ فردوی، نظامی، امیر خروتے جامی دی شاعری نوں عام پڑھیا تے پڑھایا جاندا۔ پروفیسر ڈاکٹر سید اختر جعفری لکھدے نیں:

”فارسی دی تعلیم زبان تے ادب دے حوالے نال دتی گئی۔ ایس لئی پنجاب دے اکثر

مدرسیاں وچ سعدی دی کریما، گلستان، بستان، عطار دا پندرناہ، کاشنی دی انوار

سہیلی، اخلاق محسنی، جامی دی یوسف زیخا تے لوائی، نظامیخوی دا سکندر نامہ، مولانا روم

دی مثنوی معنوی، فردوسی داشاہنامہ، مصدیاں تکر پڑھائے جاندے رہے۔<sup>(23)</sup>  
المیں توں اڈ دوجی زباناں دے قصیاں دا فارسی زبان وچ ترجمہ کروایا گیا۔ ملازمت پیشہ  
لوکاں لئی ایہ لازم سی پئی اوہ فارسی زبان نوں سکھن۔ اوس ویلے جیہے سکول تے کالج کھولے گئے  
اوتحے وی فارسی زبان دی تعلیم دتی جاندی سی۔

پنجابی زبان دے قصیاں ہیر راخنا، سونی مہینوال، سکی پنوں، مرزا صاحبائں اتے فارسی مثنوی  
دی گورھی چھاپ وکھالی دیندی اے۔ پروفیسر ڈاکٹر سید اختر جعفری لکھدے نیں:

”بے گوہ نال ویکھیا جاوے تاں معلوم ہوندا اے پئی فارسی لسانی تے ادبی دو  
طرح نال پنجابی اتے اثر انداز ہوئی۔ لسانی اعتبار نال ایس طرح پئی اج پنجابی  
وچ سیکڑاں لفظ فارسی دے ورتے جاندے نیں اوہ لفظ ساڑی زبان وچ انج رج  
مج گئے نیں پئی انسانوں اوہناں دی غیریت دا کا ای احساس نہیں ہوندا سگوں انخ  
لگدا اے جیویں اوہ ساڑی ای زبان دے لفظنیں تے اسماں اوہناں لفظاں نوں  
آسانی نال سیہاں وی نہیں سکدے۔“<sup>(24)</sup>

فارسی زبان دا پنجابی شاعری اتے ایتھوں تکر اثر پیا کہ ایہنے پنجابی بولی دارنگ ڈھنگ تے  
محاورہ ای بدل دتا۔ فارسی زبان دیاں تشبیہاں، تلمیحاء، استعارے تے بناوٹی لفظاں دا ڈھیر اثر پنجابی  
شاعری وچ وکھالی دیندا۔ حافظ برخوردار، مرزا صاحبائں دے قصے وچ لکھدے نیں:

ہنجوں وگن صاحبائں جیوں موئی ترٹن ہار  
یا گھٹ بدل دی وس گئی پوے پچھہار<sup>(25)</sup>

احمد گجر، ہیر دے قصے وچ لکھدے نیں:

ہووے پکھنوں باہرے پھرن ہارا پکڑ آئیے پھرے وچ پائیے  
اندر پئی ہیر پیڑی چلی جان بجھ کے پیتا کیوں کمایے<sup>(26)</sup>

ای آکھنا بجا ہووے گا پئی پنجابی قصہ کاراں نے فنی ترتیب تے تینکیک فارسی زبان دی اپنائی۔  
پنجابی قصے نوں فارسی مثنوی دے اثر پیڑھ لکھیا جاون لگ پیا۔

پنجابی زبان دے مٹھے قصیاں اتے جھات پائی جائے تاں پتھنگ لگدا اے پئی ایہناں شاعرائں  
نے اپنے قصیاں دے سرناویں فارسی زبان وچ لکھے۔ جیویں حافظ برخوردار نے یوسف زلینجا دے قصہ  
دے سارے سرناویں فارسی زبان وچ نہیں۔ جیویں:

- احوال اول صفوں جملہ خلائق آدم<sup>(27)</sup>

- نوبت اول ویدن زلینجا یوسف علیہ اسلام درخواب<sup>(28)</sup>

- خواب دیدن دو امیر ان در بندی خانہ تجویز نمودن یوسف علیہ اسلام<sup>(29)</sup>

- برآمدن حضرت یوسف علیہ اسلام بقصد شکار<sup>(30)</sup>

عربی تے فارسی وانگوں پنجابی قصہ شاعری پہلاں پہل اللہ دے ناں توں شروع کیتی گئی۔  
مگروں نعت رسول تے منقبت بیان کیتی گئی فیراصل قصہ لکھیا گیا۔ حافظ برخودار نے قصہ سکی پنوں دے  
شروع وچ اللہ دی تعریف ہمراہیں انج بیان کیتی اے:

خالق خلقت ساز کے کید اٹھایا بھار

پیدا کیتا نور تھیں تدھ خاص محمد یار<sup>(31)</sup>

پنجابی قصہ وچ ہیر وئین دی سراپا نگاری دا بیان وی فارسی مشنوی والا اے۔ جیہدے وچ محبوبہ  
دے حسن نوں سرتوں لیکے پیر تکر بیان کیتا جاندا اے۔ پہلاں پہل اللہ دے ناں توں اثر لیندیاں ہوئیاں  
حافظ برخودار نے اپنے قصے مرزا صاحبائیں وچ صاحبائیں دی سراپا نگاری بیان کیتی:

دھی کھیوے دی صاحبائیں جس تے حواراں گھنڈ کڈھن

تے پریاں پربت سنتے جٹی دا ویکھ حسن

صاحبائیں دا قد سر وکل کونج چیبوں دو ہے واہ پون

لبائی سے جام شراب دا پی عاشق مست تحون

صاحبائیں دے خونی نین پکھاوے بازاں وانگ تکن

اوہ پاڑن ول ول دلاں نوں کبیں رت پیون

پنڈیاں تھیں نادکاں ترگش جد لئن

رکھ نشانے دلاں تے کھیاں وانگ ہن<sup>(32)</sup>

فارسی مشنوی دی طرح پنجابی وچ کئی قصے سوال جواب دے ڈھنگ را ہیں بیان کیتے گئے۔

حافظ برخودار دے قصے مرزا صاحبائیں دے قصے وچ مرزا اپنی ماں نوں انج سوال کردا اے۔

مائے نی سن میریے دس دلے دی گل

دیسیں جھب مکان توں جھوں مشکل ہوون حل

بازی باجھوں لڑکیاں جھوٹھے رنگ محل

مرزے دی ماں اوہیوں جواب دیدیاں آکھدی اے۔

توں خادم نوشہ پیر دا تیرا مڈھ قدر کی پیر

جدا ہئیں اندر شکم دے اوں آن پولیا شیر

من لے سچے رب نوں روشن بدر منیر<sup>(33)</sup>

پنجابی شاعر اس دی شاعری اتے فارسی زبان دا اینا اثر وکھاں دیدا اے کہ انہاں نے فارسی شاعری دی بحر، ردیف تے قافیہ را ہیں پنجابی قصیاں نوں بیان کیتا اے۔ پنجابی شاعری وچ مقولہ شاعر دے سرناویں یہٹھ شعر آکھن دا روایج وی فارسی والا اے۔ حافظ برخوردار نے اپنے قصے مرزا صاحب اس وچ سبھ توں پہلاں مقولہ شاعر دا ورتارا کیتا اے۔ جیویں اوہ لکھدے نیں:

حافظ عشق بھلیرا پاتنی نہ لگھائے گھاٹ  
اوئھے بیڑا ٹھلیا جھتے جاون بیڑے پاٹ  
بھکھ نہ ڈھونڈے لذتاں عشق نہ پچھے ذات  
(34) ترڑھا جند کو ہائیند ابرہوں دی اوہ رات

فارسی شاعری دی طرح پنجابی شاعر اس نے اپنے آپ نوں قصے دا معنی شاہد بنا کے ”شاعر آکھدا اے“ دی ریت نوں اپنایا۔ دمودر دے قصے ہیر وچ ایہ ورتارا شروع توں اخیر تک موجود اے۔ جیویں اوہ لکھدے اے:

آکھ دمودر خوشی ہوئیں، ویکھ اوہناں دے چالیں (35)  
آکھ دمودر جال اتھائیں، اسیں منت پئے کریدے (36)  
فارسی زبان وچ ہیر دا قصہ دمودر توں پہلاں باقی کولابی تے سعید سعیدی ہواں دی لکھیا سی۔  
اس لئی پنجابی شاعر اس اوہناں قصیاں دا چوکھا اثر بیول کیتا۔ بدل حق محمد لکھدے نیں:  
”اکبر دے عہد دا اک فارسی شاعر باقی کولابی سب توں پہلے ایسیں قصے نوں فارسی زبان وچ لکھدا اے۔ کولاں افغانستان تے روں دی سرحد تے واقع اے تے ایسیں علاقے دا شاعر باقی کولابی اکبر دے زمانے وچ جوں پور وچ رہندا سی۔ اوں نے نہ صرف ایہ قصہ بیان کیتا بلکہ ایسیں نوں معرفت تے تصوف دی رمز وی بنایا۔“ (37)  
دمودر تے حافظ برخوردار دے قصیاں وچ فارسی زبان دے چوکھے لفظ ویکھے جاسکدے نیں۔ دمودر داں دمودر لکھدے نیں:

سونا، رپا، ماں، خزینہ، ڈھکن ستے پاہیں (38)  
آکھ دمودر صحیح سلامت سمجھا ایسیں سنائے (39)  
کون سر شتہ ہیرے کیتا، کیہ کجھ آکھ سنائے (40)  
حافظ برخوردار، یوسف زینا دے قصے وچ لکھدے نیں:  
غیبت شرک دروغان والی کر کے دور پلیدی (41)  
فرزند تیرا اولاد خلیے خوبی ایسیں الاهوں

گھر یعقوب تولد ہوئی حکم ہو یاد رکا ہوں<sup>(42)</sup>

پنجابی قصہ شاعری وچ فارسی زبان دی روایت ایس حد تیکر و کھالی دیندی اے جے ایہ  
آکھیا جائے پئی پنجابی شاعر اے فارسی قصہ شاعری دی بہتر اساري تے لفظی بجندار کولوں بیتیر اکم لیا  
تے غلط نہیں ہووے گا۔

کمدی گل ایہ اے پئی پنجابی زبان مقامی بولی سی پر اس نے ہندوستان دیاں وڈیاں وڈیاں  
زباناں توں ودھیرا اثر لیا۔ ایہی کارن اے پئی انہاں زباناں دے اثر پاروں پنجابی زبان امیر ترین  
زباناں وچ شامل اے۔ انگریزاں دے پنجاب اتے بقنه کرن مگروں انہاں دی زبان نے دی پنجابی  
اتے اثر پایا۔ پنجابی قصہ کاراں نے اپنی قصہ شاعری نوں فنی تے فکری پکیائی دیون لئی انہاں زباناں دا  
سہارا لیا۔ ایس لئی ایہ آکھنا بجا ہووے گا پئی پنجابی قصہ شاعری وچ اوہ سارے گن و کھالی دیندے نیں  
جیہڑے اک چنگی تے اعلیٰ ادبی صنف نوں سکھراں تیکر اپڑاندے نیں۔



### حوالے:

- \* اسٹرنٹ پروفیسر پنجابی، لاہور کالج یونیورسٹی برائے خواتین، لاہور
- 1 منیر گجر (متترجم)۔ انیکلو پیدیا آف انڈین لٹریچر و چوں پنجابی حصے دا تجمہ (لاہور: سانجھ پبلی کیشنز، پہلی وار مئی 2006ء) 189۔
- 2 عبدالحکیم سرشار، حافظ۔ ادبی چھلاں (لاہور: کتاب خانہ دانشوار، پہلی وار 24 جون 1974ء) 296۔
- 3 عبدالغفور، قریش۔ پنجابی ادب دی کہانی (لاہور: پاکستان پنجابی ادبی بورڈ، پہلی وار اگست 1987ء) 156۔
- 4 محمد آصف، خال (مرتب): ہیر دمودر (لاہور: پاکستان پنجابی ادبی بورڈ، دو جی وار جون 1995ء) 47۔
- 5 محمد آصف، خال (مرتب): ہیر دمودر، 50۔
- 6 محمد آصف، خال (مرتب): ہیر دمودر، 52۔
- 7 محمد آصف، خال (مرتب): ہیر دمودر، 54۔
- 8 محمد آصف، خال (مرتب): ہیر دمودر، 63۔
- 9 محمد آصف، خال (مرتب): ہیر دمودر، 123۔
- 10 سبط الحسن ضیغم، سید (مرتب)۔ ہیر احمد گجر (اسلام آباد: لوک ورش، اپریل 1992ء) 61۔
- 11 سبط الحسن ضیغم، سید (مرتب)۔ ہیر احمد گجر، 128۔
- 12 سبط الحسن ضیغم، سید (مرتب)۔ ہیر احمد گجر، 157۔
- 13 اختر جعفری، سید، ڈاکٹر۔ ”میاں محمد بخش دی شاعری اتے فارسی اثرات“، کھون 61 (جولائی۔ دسمبر

- 19؛ 2008ء)

- سبط احسن ضیغم، سید (مرتب)۔ قصیدہ بردہ شریف (لاہور: یکیے از مطبوعات پکج لینڈ، 25 مئی 2002ء) 29۔
- سبط احسن ضیغم، سید (مرتب)۔ ہیر احمد گجر، 147۔
- فقیر محمد نقیر، ڈاکٹر (مرتب)۔ مرزا صاحب حافظ برخوردار (لاہور: سنگ میل پبلی کیشنز، 1998ء)
- برخوردار، حافظ۔ قصہ یوسف زیجاجم مدح پیران پیر معروف غوث الاعظم (لاہور: منشی گلاب سنگھ اینڈ سنز تاجر ان کتب، 1905ء) 23۔
- فقیر محمد نقیر، ڈاکٹر (مرتب)۔ مرزا صاحب حافظ برخوردار،
- اسلم رانا، ڈاکٹر (مرتب)۔ مرزا صاحب ان پیلو (لاہور: عزیز پاپشرز، پہلی وار 1990ء) 41۔
- محمد آصف، خال (مرتب)۔ ہیر دمودر، 37۔
- محمد آصف، خال (مرتب)۔ ہیر دمودر، 250۔
- سبط احسن ضیغم، سید (مرتب)۔ ہیر احمد گجر، 59۔
- اختر جعفری، سید، ڈاکٹر۔ ”میاں محمد نخش دی شاعری اتے فارسی اثرات“، 19۔
- اختر جعفری، سید، ڈاکٹر۔ ”میاں محمد نخش دی شاعری اتے فارسی اثرات“، 19، 20۔
- فقیر محمد نقیر، ڈاکٹر (مرتب)۔ مرزا صاحب حافظ برخوردار، 35۔
- سبط احسن ضیغم، سید (مرتب)۔ ہیر احمد گجر، 122۔
- برخوردار، حافظ۔ قصہ یوسف زیجاجم مدح پیران پیر معروف غوث الاعظم، 7۔
- برخوردار، حافظ۔ قصہ یوسف زیجاجم مدح پیران پیر معروف غوث الاعظم، 9۔
- برخوردار، حافظ۔ قصہ یوسف زیجاجم مدح پیران پیر معروف غوث الاعظم، 32۔
- برخوردار، حافظ۔ قصہ یوسف زیجاجم مدح پیران پیر معروف غوث الاعظم، 37۔
- شہباز ملک، ڈاکٹر (مرتب)۔ قصہ کسی پنوں حافظ برخوردار: کھون 18 (جنوری۔ جون 1987ء) 12۔
- فقیر محمد نقیر، ڈاکٹر (مرتب)۔ مرزا صاحب حافظ برخوردار، 25۔
- فقیر محمد نقیر، ڈاکٹر (مرتب)۔ مرزا صاحب حافظ برخوردار، 24۔
- فقیر محمد نقیر، ڈاکٹر (مرتب)۔ مرزا صاحب حافظ برخوردار، 60۔
- محمد آصف، خال (مرتب)۔ ہیر دمودر، 35۔
- محمد آصف، خال (مرتب)۔ ہیر دمودر، 175۔
- بذل حق محمود۔ پنجابی مضمون (لاہور: سنگ میل پبلی کیشنز، 2003ء) 23/22۔
- محمد آصف، خال (مرتب)۔ ہیر دمودر، 37۔
- محمد آصف، خال (مرتب)۔ ہیر دمودر، 43۔
- محمد آصف، خال (مرتب)۔ ہیر دمودر، 46۔